

FIKIRAN MELAYU DARI MESIR

Tugas Agama dalam Masyarakat

Makalah yang berharga ini ditulis oleh Tuan Muhammad Maḥyī al-Dīn Mūsā
pelajar Melayu di Kaherah dan disiarkan oleh badan persuratan Persekutuan
Melayu di Mesir.

(Oleh Muḥammad Maḥyī al-Dīn Mūsā di Kaherah)

Harus telah jelas bahawa hidup manusia dalam suatu masyarakat itu tidak akan sempurna jikalau tidak berasakan tolong menolong yang rapat di antara sesama anggotanya. Demikian juga tolong menolong tidak akan tercapai melainkan dengan ada suatu undang-undang yang mengatur dan menentukan hak-hak dan kewajipan masing-masing.

Dengan wujudnya undang-undang itu berhajat pula kepada suatu kuatkuasa yang dihebatii oleh segenap jiwa untuk mengawalnya supaya ada jaminan bahawa undang-undang itu dihormati dan tidak dilanggar.

Ini adalah dasar-dasar yang memang diakui tak payahlah dihuraikan dengan panjang lebarnya, hanya yang perlu dijelaskan di sini ialah: apakah dia kuatkuasa yang menjadi pengawal itu?

Dengan makalah ini saya hendak tegaskan bahawa di atas bumi ini tidak ada suatu kekuatan yang boleh menyemai kekuatan agama tentang kesanggupan dalam mengawal kehormatan undang-undang dan mendirikan suatu masyarakat yang rapi, tetap dan damai.

Manusia memang suatu kejadian yang berbeza sekali dengan makhluk-makhluk yang lain. Segala gerak geri dan tingkah lau yang keluar dari ikhtiarinya dianjur oleh suatu kekuatan yang tersembunyi dalam lipatan dirinya atau lebih

tegasnya suatu fikiran dan akibat.

Adapun mazhab karal merasakan yang mengatakan fikiran dan damir itu tidak memberi kesan kepada alam kebendaan dan ekonomi, malahan sebaliknya, itu adalah mazhab yang sesat yang telah menukar susunan tabi‘ī dan menyalahi hakikat-hakikat yang boleh dipandang di tingkah laku seseorang atau suatu kumpulan dari semasa ke semasa. Betapa tidak? Sedangkan orang yang hendak hidup hanya dengan secara kebendaan, tidak dengan fikiran dan damir itu pun pada mula-mulanya terpaksa ia menggunakan fikirannya juga untuk menapis hingga rasa puas dan percaya bahawa kebahagiaannya tercapai di dalam hidup yang secara itu.

Di sini nyatalah bahawa manusia itu sentiasa di bawah anjuran fikiran dan akidahnya, jikalau fikiran dan akidahnya baik dan sihat maka segala pekerjaan dan tingkah lakunya menjadi baik, sebaliknya jikalau rosak maka rosaklah segala-galanya.

Dengan undang-undang dan kuatkuasa kerajaan sahaja tidak cukup untuk mendirikan sebuah negara yang sempurna yang mana segala hak dan kewajipan di dalamnya dihormati dan ditunai dengan sempurnanya oleh kerana orang yang menunaikan kewajipan kerana takutkan pukulan, penjara atau denda itu dengan mudah sahaja ia mencuaikan

kewajipannya, ia rasa aman daripada bahaya-bahaya tersebut.

Demikian juga dengan jalan menyiarakan ilmu pengetahuan sahaja sebagai ganti daripada didikan agama dan budi pekerti tidak boleh menjaminkan ketenteraman dan kesenangan alam, kerana ilmu itu suatu senjata yang bermata dua, sebagaimana ianya menjadi suatu alat yang terutama bagi pembangunan, begitu pula ianya menjadi alat yang paling hebat bagi meruntuh dan menghancur. Oleh itu mahulah ada suatu perhatian dan kawalan dari pihak budi pekerti dalam menggunakan ilmu pengetahuan itu supaya menuju kepada ke bangunan dan kebijakan manusia, bukan menuju kepada kebinasaan dan kejahatan.

Yang menjadi pemerhati dan pengawal itu tidak lain daripada iman dan akidah yang mana ditangannya terletak tanggungjawab segala pekerjaan dan tingkah laku yang dikeluar daripada seseorang. Tetapi iman ada dua macam, pertama iman dengan perkara-perkara maknawi seperti iman dengan mutu kelebihan iman dengan kemuliaan manusia dalam lainnya yang mana orang yang berjiwa tinggi akan merasa malu hendak menyalahi seruannya walaupun terutama daripada sebarang balasan yang berupa kebendaan. Kedua iman dengan zat yang Maha Tinggi yang sentiasa memerhatikan segala fikiran dan hati manusia yang mana dari suruhan dan larangannya itulah undang-undang mendapat kekuatan dan kuasa akhlaknya yang perlu, iaitu zat yang Maha Tinggi yang dikhuduq oleh tiap-tiap jiwa yang berimana sama ada kerana malu, kasih atau pun takut.

Iman yang kedua ini sangat kuat pengaruhnya kepada jiwa manusia. Sanggup menentangi segala seruan hawa nafsu dan paluan sentimen serta segera meresapnya ke hati segenap golongan.

Oleh itu agama sebaik-baik jamin untuk menghasilkan kira bicara yang benar dan saksama dalam masyarakat manusia, dengan sebab itu agama menjadi suatu keperluan pula kepada masyarakat di samping ia merupakan runtunan fitrah yang semula jadi yang berakar di dalam jiwa manusia.

Bagaimana penting dan perlunya kemajuan semangat agama

masyarakat suatu bangsa itu tidak harus disyak lagi walau negara-negara besar yang mahu pada hari ini telah membelaangkan agama dan mengasaskan kebangkitannya atas asas yang bukan agama.

Kita tidak perlu mengagak apakah yang akan terjadi kepada binaan masyarakat yang tidak berdasarkan takwan dan kerdhaan Tuhan itu, hanya marilah kita lihat sedikit contoh dari kata-kata yang bukannya keluar daripada ahli-ahli agama malahan daripada bapa-bapa ilmu sains, pengjur-pengjur politik dan ahli-ahli peperangan yang terkemuka daripada negara-negara itu sendiri.

Kata Robert Milican seorang ahli sains Amerika: sepenting-penting perkara adalah manusia ialah beriman dengan hakikat perkara-perkara maknawi dan mutu budi pekerti. Dengan hilang keimanan inilah menyebabkan nyalanya peperangan-peperangan yang besar itu dan jikalau kita tidak berusaha untuk menghasil dan menguatkannya dari sekarang maka sains itu tidak akan berharga lagi bahkan sebaliknya menjadinya bala yang akan menimpa manusia seluruhnya.

Dan kata Doktor Wilson Becs President Amerika: Tamadun kita yang secara kebendaan ini tidak boleh kekal jikalau tidak diselamatkan dengan perkara-perkara maknawi dan lebih tegasnya tidak mungkin terselamat melainkan apakala semangat agama itu mesra ke segenap lapangannya. Iaitu perkara-perkara yang memang wajib di atas gereja-gereja, pertubuhan-pertubuhan politik dan ahli-ahli akhlak bahkan atas tiap-tiap seorang yang takutkan Allah dan kasih kepada tanah airnya, berlumba-lumba untuk melaksanakannya.

Begitu juga Marshall Peyton panglima perang Perancis yang terkenal ada berkata dalam ucapannya yang dihebah kepada umatnya pada tanggal 25 Jun 1940 setelah selesai menandatangan berhenti tembak menembak dengan tentera Jerman: saya serukan kamu untuk meninggikan budi pekerti sebelum daripada lain-lainnya, dan Marshall Montgomerry dalam ucapannya di hadapan tentera yang kedelapan pada 4 March 1951 katanya: sepenting-penting

punca bagi mendapat kemenangan dalam perperangan itu
ialah punca-punca yang berhubung dengan budi pekerti, kerana
seorang ketua itu tidak kuasa hendak mendedak tenteranya
supaya berjuang berhabis-habis melainkan apakala mereka
sendiri berasa senang hati dengan pekerjaannya, dan saya
yakin bahawa tentera itu dalam kesesatan jikalau ia tidak
mengikut jalan-jalan yang diredhai Allah dan akhirnya ia berkata:
bahawa bahaya-bahaya kerendahan budi pekerti dalam diri seseorang
tentera itu lebih besar daripada bahaya musuh sendiri, oleh itu
kita tidak akan menang dalam sesuatu perjuangan jikalau kita
tidak lebih dahulu mencapai kemenangan dalam diri kita.

Sebenarnya tugas agama dalam masyarakat itu bukanlah
sekadar itu shaja malahan lebih jauh lagi kerana agama
bukanlah hanya untuk menghaluskan tingkah laku, mengesahkan
kira bicara dan menjalankan keadilan sahaja, tetapi
di samping itu lagi kerja-kerja yang lebih besar pengaruhnya
kepada binaan masyarakat itu sendiri: iaitu menimbulkan
ikatan kasih mesra yang kuat di antara hati penganutnya,
yang mengatasi ikatan bahasa, jiran atau kepentingan bersama
yang mana ikatan-ikatan ini kalau dinisbahkan kepada ikatan agama
tadi ialah sebagai kuliah-kuliah luar sahaja yang tidak
menjadi sebatи dan kemas melainkan ditambah dengan ikatan
iman dan akidah, bahkan kerap kali ikatan kejiwaan
ini terkaya daripada ikatan-ikatan lain dan pernah mencantumkan
berbagai-bagai bangsa yang berlainan tutur kata, adat istiadat,
cita-cita dan berjauh-jauhan negeri.

Oleh itu kita dapat banyak negara-negara yang memakai
dasar kebangsaan dan kepentingan bersama dalam tanah air itu pun
terpaksa juga mengambil sedikit sebanyak pertolongan daripada
ajaran-ajaran agama seperti dasar tolong menolong dalam perkara
kebijakan dan mempertahankan serangan-serangan musuh. Oleh demikian
pernah dikatakan bahawa kebangsaan yang tidak bersendikan agama
dan budi pekerti itu ialah kota yang hampir hendak tumbang.


Tegasnya agama itu sebagai jantung masyarakat jikalau
ia baik maka masyarakat itupun baik dan sempurna dan

jikalau ia rosak maka rosaklah segala-galanya.

(sambungan daripada muka 18)

pertahankanlah kesucian Islam yang akan dinodai, bilalah
kehormatan Islam yang akan dicabuli oleh sesuatu puak
atau kaum yang tiada mempunyai hak sama sekali untuk
mencampuri satu-satu urusan, satu-satu hukum yang telah
ditetapkan oleh Allah di dalam al-Quran al-karim.

Tiap-tiap hukum yang telah diturunkan Allah al-Hakim al-Hakimīn
adalah hak mutlak kita umat Isla seluruhnya, di atas
kita umat-umat Islamlah wajib mempertahankan kesuciannya jika
dinodai, membela kehormatannya jika dicabuli, kalau kita
hanya berpeluk tubuh dan goyang-goyang kaki sahaja melihatkan
penghinaan dan kecabulan yang akan dipupukkan orang ke atas
dasar undang-undang Islam yang Mulia, maka segala tanggungjawab
dan ganjarannya akan kita terma sahajalah di hadapan Tuhan
Rabb al-Ḥalīl fī la yanfa‘ū māla wa la banūn.



*Masjid Janāh Dār al-'Ulūm di Peshawar salah sebuah masjid
yang indah di Pakistan yang menjadi cogan kebesaran Islam.*

jawatankuasa kerajaan di bawah pemimpin Zayid bin Thābit kitab mana disimpan oleh Siti afiṣah sebagai amanah umat dan negara. Pada zaman khalifah ‘Uthmān Ibnu ‘Affān dibanyakkan salinannya dan dihebahkan ke seluruh dunia Islam dengan bentuk tulisan tangannya.

Setelah didapati mesin cetak maka al-Quran dicetak orang bagi kali yang pertamanya di Hamburg, Germany.

Perintah Berpandukan al-Quran

Kerana isi dan sifat al-Quran sebegitu rupa mencakupi dan memnuhi segala hajat keperluan manusia pada segala zaman dan tempat serta keadaan dan kerana gunanya al-Quran itu kalau digunakan maka tegas-tegas Allah mewajibkan kepada manusia, terutamanya umat Islam bagi melakukan peritahan memanuhi anjurannya, menjauhi larangan-larangan-Nya, memerhatikan peringatan-Nya, melaksanakan hukuman, sebagai firman Allah (maksudnya): “ dan hendaklah Engkau menghukum dengan hukum yang Allag turunkan (al-Quran) dan janganlah kamu mengikut nafsu keinginan mereka itu dan berjaga-jagalah kepada fitnah dan godaan mereka yang hendak memalingkan kamu daripada melaksanakan sebahagian daripada isi Quran yang Allah turunkan”.

Firman-Nya lagi (maksudnya): “dan barang siapa yang tidak menghukum dengan hukum yang diturunkan oleh Allah maka mereka kafir, fasik dan zalim. (dalam himpunan tiga ayat berturut-turut).

Firman lagi (maksudnya): “demi sesungguhnya tidak mereka berimana kecuali bila mahu tahkimkan kepada Engkau (dengan al-Quran) tentang segala perselisihan antara mereka, lalu mereka tidak merasa sedikit pun keberatan dalam jiwa mereka atas hukum keputusan-Nya dan mereka menyeru kepada hukum itu dengan sepenuh-sepenuhnya.”

Firman-Nya pula (maksudnya) “adakah hukum Jahiliyyah itu buatan manusia yang mereka kehendaki padahal siapa

lagi yang lebih hukumnya daripada Allah bagi kaum yang sesungguhnya percaya”.

Sekianlah mudah mudahan kita sama-sama mendapat manfaat daripadanya- Amin.

Penggal 1 dan 2 sudah siap- sepenggal \$1.20

‘Umar Ibnu al-Khaṭṭāb ‘Abdullāh Basmeh

Silalh pesan kepada:

Qalam Press Ltd.,

P. O. Box 3031, Singapore.



Sakit Mata!!



Atau sakit buasir
berpengalaman selama 50 tahun
berjumpalah dengan
tabib di bawah ini.



diubati di dalam satu
minggu sahaja baik.

TABIB H. G. MUSTAFFA

PUNJAB MEDICAL HALL.

No. 280, Victoria Street,

Singapore City, 7.